



17780

I

Mag. St. Dr

P


Lasmus

Uitellii Jacobi: Chryologus Romanus
defunctus sive Oratio in exequiis
Abrahami Bzovic.

PANEG. et VITAE

Polon. 4.

№ 70.



CHRYSOLOGVS ROMANVS

Defunctus.

Siue

O R A T I O

IN EXEQVIIS

Admodum Rñdi Patris,

ABRAHAM BZOVII,

Annalium Ecclesiæ post BARO-
NIVM SCRIPTORIS,

ROMÆ ad Mineruam vltima Ian. A. 1637.

Vita functi.

HABITA IO. MARTII IN ÆDIBVS SA-
cris Sanctiss: Trinit. Crac. frequentissimo Auditorio.

A

M. IACOBO VITELLIO, Eloquentiæ Professore
Tyliciano in Academia Crac. Canonico Ecclesiæ
S. ANNÆ.

CRACOVIAE, In Officina Francisci Cæsarij. 1637.

BIBLIOTH. UNIV.
JAGELLONICAE



BZOVIVS hac generis monstrat monimenta paterni;
Cui Virtus longè nobiliora dedit.

17780 I



CHRYSOLOGVS

Romanus.



Vblato communi mortalitatis necessitate ABRAHAMO BZOVIO, cui supremo interea parentamus officio, PP. Adm. Reuerendi, Doctores, Professores, & quotquot adestis, Illustres & Nobiliss: Auditores: longè veriùs Romæ gentium Domina, indoluisse mihi videtur, quàm olim extincto furore Antonij Arpinate, quasi animatâ eloquentia exanimata, iusto collachrymauit dolore. Nec iniuria quidem: Vnum enim forum, & Rostra Urbis vnus dumtaxat, auream desiderarunt Arpinatis linguam; BZOVIVM nostrum, alterum Chrysologum Romanum, Religio, Patria, Ecclesia, & Vniuersa res Christiana: tanquam disertissimum nominis & famæ suæ ad posteros propagatorem, requirunt dolenter. Et quo animo tantum dissimularent dolorem? Cùm os cælestissimum, lingua populi Christiani, subito elanguit? Cùm Angelus ille Vaticanus, vbi quod illius interfuit, ad vniuersum Or-

bem tuba personuisset Oratoria, rursus supernè ex
hominibus commigrauit? Et tametsi in Vrbe com-
muni populorum patria, diuinorum facundissima
ingeniorum, solitudo & inopia tanta non sit, vt nè
habeantur frequentissimi, qui amplissimo succedant
muneri; tamen post Roscium, qui gloriose partes
suas egisset, in Orchestra subito apparere; vnicuiq; vbi
officij secum magnitudinem aestimarit, sit futurum
formidolosum. Magnum enim quiddam est, rem
Christianam, temporum vicissitudinem, fortunæ
varietatem, tot res, tam distantes, tam inter se diffe-
rentes, non solum percensere dicendo: sed etiam
comprehendere cogitando. Arduum est, & ma-
gnopere operosum, hoc in se suscipere negotium, at-
que illa rerum momenta gestarum, ita attollere di-
cendo; ita illustrare scribendo; vt non tam ex char-
ta narrari, quàm propè recenter geri, in oculis popu-
li Christiani videantur. Fuit ea felicitate ABR A-
HAMVS BZOVIVS, ita non solum ingenij lu-
cem, rebus Christianis laboriosè impertijt; sed vi-
tam etiam tot operibus fructuosè impendit. Nimi-
rum mihi videtur, vt ille corpusculo exiguus, sed ope-
re admirandus ferici velleris effector vermiculus: qui
vbi plurimum operæ produxerit, suum sibi ex se fa-
bricat tumulum: atque ita sibi laborato moritur in
nidulo. Perinde & hic disertissimus Ecclesiæ An-
gelus, postquam cœlesti ore, quæ ad rem Ecclesiæ
faciebant, cecinisset; & iam meliore sui parte DEO
adhæ-

adhæfisset : illi quod mortale fuit, inter tot erudita volumina, memorabile ad posteritatem condidit sepulchrum :

Non poterat condi nobiliore loco.

Quamobrem cum insigni scriptorum suorum gloria, seipsum, quasi viuis coloribus illustrasset ; in laudando B Z O V I O, eiusdem ipsius dicendi felicitate, & vbertate opus foret. Ego verò non mihi tantum sumo, neque arrego, vt quicquam ad insignem eius virtutum addam celebritatem ; pietatis potius, quàm ostentationis sequor officium, qui tenui, neque satis ob angustiam temporis comparata dictione, Virtutes eius insignes vobiscum statui commemorare. Itaque dum ex maximis eius in commune bonum promeritis, duo præcipua deligam : nimirum Quantus in religione, Quantus in Ecclesia DEI fuisset ; Vos me dicentem vestra beneuolentia promouete. Atq; si quid minus dignum hoc loco, hac luce Vestrae præsentia, & auribus politis videatur : quadridui opus, etiam inter domestica negotia, cogitate.

Si mihi ex populari & peruulgato sensu non ex religionis autoritate agendum apud vos esset PP. Rñdi. si vnus aliquis ex foro, non flos religionis illibatus, aut si quisquam ex veteris Romuli facie, & non Romanus Chrysologus, Vobis proponendus foret ; populari iudicio, quasi Carbonaria trutina, negotium examinarem. Quicquid enim populariter plausibile est, quicquid veluti beatum admirarur vulgus su-

pra modum; hoc totum in primo nascendi exordio;
liberaliter DEVS, ABR AHAMO BZOVIO im-
pertijt. Generis sui principium natale ad gentem re-
fert OSTOIAM (cuius hæreditaria imago, ferrum
inter obuerfas lunas manubrio nudatum) matre Ma-
gdalena Wezicia natus. Sed quia ille, non tam ven-
dibili politiæ opinione, quàm religionis dignitate
commendari vult; etiam res ista non forensi sed san-
ctuarij pondere examinanda. Antequam autem de
eius in religione conuersatione dicam, primum mi-
hi dicendum, quibus initijs & progressionibus sit ad
religionem incitatus.

Paruo admodum natu puer, matrem ex epidemia
postquam amisisset: Auiaæ maternæ cura (quæ ob
profusam in pauperes munificentiam Eleemosynaria
dicta fuit) in Oppido Urbis Crac. proximo PRO-
in vita SOVIANO, educatus; diligenter vt ab Auia, san-
ipsius. ctè vt à Matrona pientissima. Interea vbi cum æta-
te pueri maturesceret sensus, né segniùs nepotem e-
ducare Auia videretur: SOCEMIMVM oppi-
dum PROSOVIANO attinens, interim falsa lit-
terarum opinione peruulgatum, sed verà Herefiar-
charum contagione, procurante STANISLAO
SAFFRANECIO ex Gallia accersitorum, cor-
ruptum, ablegatus. Sed DEVS os illud cæleste,
quod in aureum eloquentiæ flumen, cum ætate sua
colliquefcere, & affatim redundare debuisset: cæno-
sis eiuscemodi lacunis noluit coinquinari. Ad fon-
tem

tem scientiarum purum & illimem ACADEMIAM
CRAC: quantocius mentem aliam materteræ eius
inspirans, à pette illa auulsum, deduci curauit.
Hic ille tanquam Generosus furculus, iuxta proce-
ras infertus arbores, vt quamprimùm alieno admi-
niculo, virtutibus & scientijs effloresceret, laborio-
sè & sollicitè procurauit. Fuit cum omnium admi-
ratione *δεν δ' οὐ κατ' ὅψιν*, hoc est arbor non fructibus
quibullibet temporarijs, & facile defluentibus onu-
sta, non foliorum ludicra tantùm luxurians amæni-
rate, sed gratijs omnibus vndique confertissima.
Maturè nimis inter manus eruditissimorum in Aca-
demia Virorum SOCOLOVII, DOBROCIE-
SCII, WOLBRAMI eloquentissimorum. RO-
CHI POSNANIEN. & quorumuis optimorum
coaluerat Theologorum & Philosophorum. At-
que istius apprimè gratus institutionis, luculentum
in Thaumaturgo Polono, Academiæ præstitit testi-
monium: quod scilicet inter homines frequenti so-
lere vsurpari sermone: *Si quem elegantioris conspice-* Cap. 13.
rent literaturæ, Crac: eum verisimile studuisse. Nec
quenquam solida existimarent sapientia, qui nunquam
Crac. viderit Academiam. In hoc ille institutus
Gymnasio, singulare quiddam, inter operas habuit
literarias quod incredibili rerum cælestium tenere-
tur desiderio. Pendebat stupefactus frequenter ex
ore tonantis eloquio PATRIS SEVERINI,
istius familiæ, cui à DEO comparabatur, Diuini O-
ratoris.

ratoris. Rapiebatur vehementi dictionis torrente,
perorantis HYACINTHI SVSCII, FELICIS, VITI,
& aliorum quorumuis, hoc in loco sacro disertissimo-
rum hominum: quorum lingua, cùm coetum populi
numerosum quolibet, nunc ad lachrymas, nunc ad
suspiria, impelleret potenter; BZOVII iuuenis in-
terea cor, pietate in DEVM liquecebat, compun-
ctione scindebatur, humanarum tædio vanitatum,
mirificè tabescebat. Vt multa conferam in pauca;
dum status commutandi secum iniret consilia, in an-
cipitem properè incidit morbum, qui nulla ope hu-
mana releuari posse videbatur. Præstolabatur in-
terim supremum & decretorium vitæ suæ diem, cùm
ita iuueni iam deplorato, & deposito, S. HYACIN-
THVS apparet: manum porrigit auxiliarem: fugat
morbum, quid & qualem fieri oporteat admonet.
Ille verò cælesti beneficentia recreatus, ex longa &
periculosa morbi iactatione, quasi graui tempestate,
Diui tutelariorum ope seruatus; adit Patres istius loci, in
numerus familiæ religiosæ censeretur, instantè, solici-
tè petit, & impetrat. Quæ enim alia referendæ cæ-
lestis gratiæ ostendebatur ratio? quàm vt conserua-
torem suum, quasi alterum vitæ conditorem, non
solum perpetuâ recordatione coleret, & humili pre-
ce amplius ambiret; sed etiam corporis cultu & ha-
bitu, aut consimilis vitæ, & disciplinæ studio vene-
raretur? Equidem ita mihi Diuina prouidentia cum
eo videtur egisse, quemadmodum cum Saule egit
aliquan-

aliquando, qui aſinas Patris quærens, regnum in-^{i. Reg.}
uenit, pluſque lucri fecit in ea re, quæ illi ſecundæ^{cap. 9.}
euræ videbatur, quàm in ea cui prior impenſus eſſet.
Non aliter ille de quo nobis ſermo, primitias gloriæ
ex literis aucupans, ad primitias agni cæleſtis voca-
tus. Imperatum illi ſpirituale inſpiratione, vt Aſi-
nas, hoc eſt animas peccatrices, miniſterio prædica-
tionis quaſitum iret. Hic ego quid prædicem, quã-
tùm nuperrimus in religione tyro, arſit cultu Di-
uino, quanta obedientia, quanta animi ſubmiſſio-
ne, alios antecelleret; aut quantam DEVS electo
filio ſuo gratiam internæ conſolationis affunderet:
cùm affatim largiretur cæleſtia charismata, quæ ſua-
uitate excedunt, omnia vana, & inſipida mundi de-
liramenta, non oblectamenta. Quæ talia & tanta
ſunt, vt ea dignus delibare ſit nemo, qui non
prius vana, & vilia, mundanorum longè benè poſt
habeat crepundia. Vir inſipiens non cognoscet, &
ſtultus non intelliget hæc. Fuit in hac familia ſan-
ctiſſima ABR AHAMVS BZOVIVS viua vir-
tutis lex, ad quam ſe cæteri conformarent: typus
veri & ſancti religioſi: fuit religioſus, non profeſ-
ſione tantùm, ſed etiam conuerſione: non paupere
duntaxat habitu, ſed etiam optimo in DEVM affe-
ctu. Et cùm ſciret pluſ penſari fines, quàm officia;
non alium ſibi finem arctæ & laborioſæ propoſuit re-
ligionis, quàm DEVM ipſum. Hinc tanto bo-
no maturiùs promerendo, frequentes inedia, noctes

in oratione euigilatæ, acres corporis verberationes,
carnis edomandæ macerationes, adhibitæ. Intel-
lexit nimirum optimè cum Diuo Nazianzeno: quod
carnes crassas, tumidum ventrem ac prominentem,
angusta religionis porta capere nequit. Idcirco i-
dem ipse bonorum omnium effector DEVS, qui
ABRAHAMVM BZOVIVM verbo veritatis,
id est prædicatione, & doctrina cælesti genuisset: ma-
turissimè populo Diuinum instruebat prædicatorem.
Namque in Diaconatu adhuc, cum fortassis rerum
Diuiinarum insciens tyro, alijs videri potuisset; ve-
teranis qui iam multa stipendia in castris DEI me-
ruissent: par fuit. Etenim sub illud tempus. BAR-
THOLOMÆVM Præmyslicn. illius sæculi
Christianum Demosthenem, faciendis Concioni-
bus sacris, suada cælesti plenus, iuuit gloriosè.
Tanta exultatione, tam faustis progressionibus,
cùm inclaruisset BZOVIVS, in Italiam missus, vt
etiam ab exterorum ingenijs suum poliret limatius;
vel hominibus illis eximia scrupulum eximeret in-
dustria, etiam sub hoc cælo nostro, non rudere Ar-
cadiæ pecuaria. Septemtrionales tametsi fortassis
non ita perspicaces, vt illi quos benignius afflauit
cælum, non omnino tamen obtusos, & hebetes.
Præsertim cùm & in illis Lycæis, inter augustissima
eruditionis lumina, Anacharsim fortassis reperi-
as non neminem.

Itaque MEDIOLANI constitit BZOVIVS.

vbi

vbi cùm Theologico incumbit studio, etiam Philosophiam alijs prælegit. BONONIÆ summam Diui Thomæ laudabiliter ad profectum explanauit: atque in Primam & TERTIAM, eius summæ partes, nouo more, raro hætenus exemplo, vnus non ex multis, non ad normam vulgarium quorumuis, commentarios elucubrauit.

Erecti exterorum animi, ob eximium hominis ingeniosi acumen, eum sibi ambitiosè deprecere, Polonum negare, tam horrendo & extremè vt putant damnato in solo, eam ingenij fæcunditatem, industriæ sagacitatem, potuisse exoriri, non verisimile arbitrantur. Sed cùm ventosa hominum illorum ad se retinendum palpatione, se non posse deliniri palàm significaret; nè rumusculis illis pasci magnum quid existimarent: redijt in patriam, fama aduentum suum, celebri anteuertente. POZNANIAM Maioris Poloniae Principem Urbem, maiorum arbitrio Virtus eius vbi se expromeret nata. Sed enim ipse intra nonum Mensem, conspectiori propositus in theatro, Crac. euocatus, in hac luce Urbis, & frequentia non quantiuis hominum pretij, laboriosum Concionatoris laudabiliter sustinuit officium. Non dico quid interea religio ornamenti, quid Vrbs consolationis, quid populus acciperet emolumenti: cùm Diuinæ voluntati omnibus annunciandæ, fidele præstaret obsequium: cùm legatione fungeretur pro Christo: cùm non sua sed DEI ad confertissimum

num cætum loqueretur verba: cum ab eius ore suc-
cos nectaris cælestis, populus affatim delibaret. Ille
fulminabat, tonabat; & DEVS voci eius efficacem
imprimebat virtutem, ita, vt acres etiam veri aculeos
doloris, in animis hominum infingeret dicendo. Ne
verò vlla pars eius vitæ, religioso & pio in DEVM va-
caret officio, vt populum attentiori Sacratiss: Virgi-
nis obstringeret, atq; addiceret cultui: F R A T E R-
SS. Ro NITATEM Sacratiss: R O M A procurauit Rosa-
sarij. rij: etiam imaginem B. M. V. Romano artificio affa-
brè factam & politè, cum benedictione CLEMEN-
TIS Octauī, in Capella Fraternalit: quæ nunc visitur,
collocauit. Quo pacto nō solū in Vrbe Regni Prin-
cipe, sed etiam toto Regno, ita popularium in San-
ctiss: Virginem Deiparam accendit studia, vt iam nul-
lus sit ita irreligiosus locus, ita ab hominum abditus
cætu, in quo non floreat, pietas ista, hominum frequē-
tissima celebritate, sub titulo Sacratiss: Rosarij Deo
& B. V. M. militantium. Atq; istius in Sanctiss: Ma-
trem pietatis, quàm liberale, & admirandum Romæ
acceperit præmium, quæso attendite. Summi Pastoris
P A V L I. V. Pont. Max: beneficentia, in Vaticano,
domicilio sibi ad Bibliothecam designato, solus, duo-
bus victus quotidiani ministris præsentibus, viue-
bat. Factum est interea, vt sicarij, qui omnes pecu-
niarum odorarentur vias, ad res eius (quas ex digni-
tate, & merito hominis, lautas non modicè suspi-
cantur) oculos adijcerent cupiditatis. Agitatum, de-
liberatum

liberatum, etiam eius ipsius cæde, ad prædam consequendam grassari. Tempus facinori paricidæ præstitutum, ferrum cruenti lanistæ, quos rapinæ cupiditas incendebat comparant; animos ad vim, ad scelus acuunt. Antequam verò adessent, eodem ipso die, atq; eodem propè momento, BZOVIVS, maturius solito ad operandum sacris egreditur, vno qui domum servaret custode relicto. Interea cruenti aduolant paricidæ, dant signum ianuæ aperiendæ: cuius ubi ægrè pessulum qui intra restitit, amouet; ferrum in pectus accipit, cruentatur, cæditur, domus compilatur: diffugiunt, scelere quàm lucro cumulationes sicarij. Quid enim pecuniarum construeret acervos ille, aut quid magnopere lucri facerent apud eum, qui non rei nummariæ ad invidiam faciendæ; quàm literariæ ad gloriam propagandæ, totus natus & impensus erat. Quid postea? expediam paucis. Postea quàm ritè sacrificio litatum est, domum regreditur BZOVIVS, custodem de aduentu suo, ianuæ appulsu commonefacit; nihil respondetur. Iterum atq; iterum instat: nè sic quidem. Homo non parum occupatus, qui momentum etiam quodlibet expensum & numeratum haberet: non modicè Custodis sui succenset supinitati. Iteratò appetit ianuam: verum irritis & studio & conatu. Cum verò homini perspicaci, hæc mora & domesticum silentium, non sine metu, & suspicionem fuissent: aliorum domus patefacta. Quæritur, inclamatur domesticus ille minister, & cum omnes ex-

usceanguli, cutiunturs tandem reperitur, nullo sceleratorum vestigio remanente. Cuius patrociniū putatis fuisse, vt ille, quem ad cædem designarent, ad hauriendumq; innocentem sanguinem, nefariè instructi adessent; eorum consceleratas machinationes, vim, & arma, cælesti declinaret prouidentia? Non cuiuspiam alterius profectò, quàm sacratiss: Virginis & Matris D E I, quæ cultori suo, insignem protectione cælesti rependit pictatem. Ita fructum antea actæ vitæ capit amplissimum : præsentis periculi prohibitione. Quantus autem Sanctorum veneratione apud omnes propaganda fuisset, quid attinet dicere? Ille ipse memoriam S. H Y A CINTHI in fastos Ecclesiæ (Breuiarium & Missale vocant) à Sanctiss: & Supremo Ecclesiæ Pastore VRBANO VIII. admitti & referri procurauit. Cõsimili studio & affectu, reliquias B. CESLAI ODROWAZII, ab iniuria Hæreticorum vindicauit, & honoratiore in loco recõdi fecit. Quid, quod Monasteria per Silesiam, diuturna iniuria auulsa & distracta, rursus Prouinciæ Polonæ, & huic loco sacro recuperauit, & addixit. Quod principia, incrementa, & progressiones Ordinis sui, ab vsq; primo capite S. DOMINICO, laboriosè confarcinauit? An exigua hæc sunt, in Religionem sanctam promerita? equidem maxima, & inusitata. Vt mihi vnus iste diuinº homo, præter alios sanctitate & multiplici doctrina, in hoc Ordine florētissimos, cælitus videatur datus: qui, ea quæ alij sanctissimè facerent: politissimè

mè

finè, orbi memoranda, literis cōsignaret. Proinde vn̄
omne tulit gloriæ punctum, cū & scriberet legen-
da, & faceret scribenda.

Magna hæc sunt ABRAHAMI BZOVII in Reli-
gionem sanctā, quæ eum cælo educasset, officia, ma-
gna profectò: sed in Ecclesiā longè benè maiora; quo-
rum splendor ita in oculis orbis vniuersi effulsit, vt
res ea cuiusquam tenui argumēto, non possit esse te-
stator: quàm ipsius operibus est patefacta, & illustra-
ta. Nam quid omnino Ecclesia sine doctissimo fuisset
Baronio? qui ex ædificatissimis vetustæ obliuionis tene-
bris, res eius sanctissimè gestas eruens, in lucem & o-
culos hominum protulit? Quid verò BARONIVS
fuisset: nisi BZOVIVS inchoatam ei⁹ gloriā, ad sum-
mum produxisset? Itaq; quod alter laudabiliter fecit,
alter perfecit gloriōse: BARONIVS operi laborioso,
splendidum extruxit propylæum: BZOVIVS illustre
imposuit fastigiū. Atq; ita imposuit, vt mihi videatur
alter in alterum, & sensu, & spiritu, & colore, & ha-
bitu orationis, non sine Diuino coaluisse artificio.
Porrò tam arduo muneri SS. PAVLI V. Pont: Max.
ante alios tres, designat⁹ voluntate. Quasi & illa Su-
premi Pastoris autoritas, non sine cælesti afflatu, vnū
id temporis idoneum existimaret BZOVIVM, præ-
terea neminem: cuius fidei & sapientiæ, rerum Eccle-
siæ, ad posteritatē literis proroganda memoria crede-
retur. Hic secum cogitare BZOVIVS, quantum adi-
ret laborē, quæ futura esset omniū de eo existimatio
popu-

populorum; quis de inchoando sensus opere: ideò
quantùm summa officij amplitudo: & autoritas supre-
mi capitis sanctissima, hominem inuitabat, tantùm
operis difficultas reuocabat. Occurrebat scilicet in a-
nimo frequenter, nè rerum magnitudinẽ tantarum,
aut culpâ attereret ingenij, aut temporum varietatẽ,
insolita proderet inesperienza. Sed enim malebat
ab se officium, in primo negotij aditu aliquomodo re-
quiri; quàm laborem, quàm fidem, quàm submissio-
nem desiderari. Suscepit honorariam, sed operosam
Prouinciã: non tam quid iuberetur, sed quis iuberet,
spectauit; quicquid Summo videretur Pastori: Deo id-
ipsum videri arbitratus. Aggressus negotium, atq; totũ
se, per quingentos ampliùs rebus Ecclesiasticis inue-
stigandis ita impendit annos, ita omnes in eam rem
incitauit sensus, vt ingentem illam, tantæ reuolutio-
nis feliciter decurreret Iliadem. Quantæ fuit existi-
matis in primo operis ingressu anxietatis, tot res, tam
varias, tam reconditas, tam distractas, & diuturna in-
sepultas vetustate; cogitatione cõprehendere, memo-
ria sepire, industria ordinare, cultu Oratorio vestire,
serie continuationis vincere, ex reconditissimis an-
nosæ vetustatis eruere latebris; Hæc omnia ita BZO-
VIVS, accuratè, fideliter, ordinatè, perspicuè, poli-
tè exegit: vt in eius operib; ars, studium, labor, cum

Plin. l. grandi certet mirificè materia.

7. cap.

21.

Fama est, non neminem ita fuisse aliquando acri
oculorum intuitu, vt à Lilybæo Siciliae Promonto-

rio

rio longissimo locorum interuallo centum triginta
quinq; millibus passuum, Africam vsq; visu attinge-
ret, atq; naues in mari illo veluti sub oculis essent, di-
stinctè, nominatim, recenseret, numeraret. Esto verū
vt lubet: cū hęc res parū vtilitatis habuit, ita mo-
dicū admirationis. Cū verò illustriores sunt inge-
nij, quam sensuum operationes, admiranda magis
hęc BZOVII industria: eum tantum interuallum o-
bliuioſæ vetustatis, animo potuisse consequi, mente
perlustrare: & quæ seposita essent temporibꝫ, locis,
actionibus, personis, in vnum Historiæ fascem, tena-
cissimo vincire nexu. Nimirū res ista non humani
sed Diuini cuiusdam fuit præsidij: cū tantū reli-
quisset operum: vt illis vita non sufficiat legendis.
Diuus IOANNES ille diuinorum secretorum felicif-
simus admirator, inter illa cælo præsentante sibi spe-
ctacula memoranda: vidit hominem qui metiretur ^{Apo-}
Ciuitatem sanctam, & portas eius, & murum calamo ^{cal. 23.}
aureo arundineo. Per arundinem sonum prædicatio-
nis, vel Scripturam, eius loci non paucorum intelli-
git cōmentatio: sed auream, propter fulgorem Diui-
næ cognitionis. Iste mihi, sub imaginis cælestis inte-
gumento Scriptor, longa sæculorum reuolutione vi-
detur significari, qui Ciuitatem S. Ecclesiæ, aureo di-
mensus est calamo. Quid enim non aureum in BZO-
VIO? aureum os, lingua aurea, manus aurea, calamꝫ
aureus: totus aurum, quia totus non quantælibet æ-
stimationis. Quod verò non solum auro, sed gemis
C etiam

etiam pulcherrimè colluceat : GE MMEVM illud
MARIALE non æstimandi pretij facilè indicat. Hic
itaq; homo DEI, calamo aureo mensus est Ciuitatem
sanctam : cùm ad instruendum populum Dei, tanta
edidit rerum Ecclesiasticarũ opera ; mensus est por-
tas, dum de Pontificum SS. Maiestate, & sanctitate
doceret : mensus est secundum aliquid & murum, id
est Christum qui Ecclesiam ambit, dùm pro fide eius,
scriptis, dictis, propaganda : atq; Hæresibus extirpã-
dis sollicitè laboraret. Sunt qui mensuram, digitorum
filiam existiment : quia cùm mensura à minimis oriri
debeat, digiti sunt omnium minimi in corpore hu-
mano membrorum. Quorum autem existimemus
digitorum mensurã, filiam, qua mensus est BZOVII
homo DEI Ciuitatem sanctam ? Primùm Spiritus S.
qui digitus DEI dicitur : atq; illius ipsius scriptoris di-
fert ; cùm Spiritus Sanctus eius digito, ad res Eccle-
siæ dimetiendas, tanquam aureo vsus esset instrumẽ-
to. Horum itaq; digitorum, hæc mensura est filia, ab
his profecta principijs, tam altum, tam profundum,
tam latè patens, regulã cælesti, Ecclesiæ definiuit, &
descripsit ædificium.

Enimuerò alterius etiam cuiuspiam meminit sacer
texus calami. *Et datus est mihi calamus similis virgæ,*
Apo. sal. 11. Et dictum est mihi, Surge, Et metire templum DEI. V-
terq; iste fuit in manu BZOVII calamus. Hic similis
virgæ, mensuram laborũ, ille aureus mensuram glo-
riæ, quam omnium consensu adiit denotat. Calamus
quia

quia sonat, virgæ similis quia rectitudinẽ, & veritatem scripti seruat. Aureus præmium, virgæ similis non paruam exprimit afflictionem. Cũ aureum calamum *Bzouius* Summi Pastoris voluntate meruisset: quid non ab hoc virgæ calamo sustinuit? quantum ab exsurgente gloria, inuidiæ in se concitauit? Ille verò quantò acriores contra se adornarentur stimuli; tantò magis operi suo fuit intentior; nec aliter inuidos, quàm gloriæ seruiendo, fas vlscisci existimauit. Nouerat scilicet optimè, scriptores duo potissimùm proposita spectare debere: vt nè quid falsi dicere audeant: & nè quid veri non audeant. Proinde sacrarum Historiæ vinculis legum adstrictus: veritatis potiore, quàm inimicitiarum, duxit rationem. *Lucianus de*
συζεαφύς ἐστὶ ἀφοβὸς ἀδελκάτος ἐλευθέρως, παρρησιαστὴς καὶ ἀλτρείας φίλος
hoc est: Scriptor esto intrepidus, incorruptus, ingenuus, *Histo-*
libertatis, & veritatis amicus: atq; eiusmodi, qui (vt in *rius*
quit Comicus) ficus, ficus: & ligonem simpliciter appellet ligonem: non odio, non amicitiae quicquam tribuat, non parcat, non miserescat, non erubescat. Sed quamobrem quis virtutem & eruditionem altissimam *Bzouij* sine æmulo esse vellet? cùm nemo fuit, qui vbi cæteris antecelleret, vt nè suorum etiam sustineret iudicia iniquiora? præsertim cùm tantum quisq; detractum sibi existimat iniquè, quantum alteri ex virtute operosa, accedit ad gloriam. Vnus apud Romanos Hortensius, absq; sibillo ad summam dicitur peruenisse ætatem: in alios omnes, crimen &

inuidia malitiosè conquisita; eos præcipuè, qui suas curas & vigilias in publica defigerent vtilitate. Alit enim liuorem infelix inertia, & omnes destrui cupiunt: quia se pari passu prouehere non potuerunt. Sed in ea re non quærit cuiusquam *Bzonius* patrocini-um; cuius virtus immortalis nullam mordacis inuidiæ impetitionem extimescit. Qui posteaquam diem sibi vltimam appetere sentiret, & se in horas languere, ac debilitari: non aliud votum eius fuit, quàm quod Apostoli, exire de sæculo, & recipi ad Dominum, hæc eius voluptas, hoc desiderium fuit perenne.

Audistis PP. Adm. Rndi. quid Religioni, quid Ecclesiæ, & quàm laudabiliter *Bzonius* præstitisset: religioni quidem exemplum ad vitæ sanctimoniam con-secrandam, & cultus Diuini propagationem; Ecclesiæ fidelitatem scripti, & assiduitatem scriptionis. Nunc post insignes XII. Annalium Ecclesiæ Tomos orbi Christiano laboriosè concinnatos, atq; euulga-tos, commentariorum in primam & Tertiam partem. Tomos 2. Sermonum variorum opuscula plurima, cultu oratorio elaborata; vbi fidelitatem & officium Sanctissimis tribus Pontificibus PAVLO. V. Greg. XV. VRBANO. VIII. amplius XX. annis, in palatio Vaticano cum DEO & Musis ad Bibliothecam Vaticanam agens, probasset; diurnis nocturnisque pro Ecclesia DEI consumptus laboribus, somnum obdormiuit supremum. Etenim mors hominibus in publicam

publicam natis vtilitatem somnus quidam est. Nec
promiscuus aliquis somnus, sed ille *ἡδυμός*:

Iliad.

ψ

λίων μελεθματὰ θυμῷ, νήδυμῳ ἀμφιχούεσσι. Soluēs animi cu-
ras, dulcis, cirmumfusus, quem Deorū fingit Homerus
inulitata, & dulcissimæ suauitatis, dotem supremæ
felicitatis antiqui putauerunt. Verū in hoc dolore,
quo parentamus disertissimo *Bzouio*, nescio quomo-
do rursus recrudescit alius, cū meminimus, quan-
tam paucis annis huic loco florentissimo pertinax fa-
tum intulisset orbitatem. Sustulit *Fabianum*, *Piekar-*
scium, *Rádáwieccium*. eloquentissimos & felicissimos
Oratores, *Chrysostenum*, *Moscicensem*, omni genere
eruditionis insignes. *Erasmum* cultus Diuini propa-
gatore, atq; istius templi exornandi, æditum &
curatorem diligentissimum. Illi debet locus hic fa-
cer ex situ vindicatus, tam augustum splendorem &
Maiestatem. Illi cœnobium, cū amplitudinem ve-
nustam, tum Bibliothecam loco salubri, & aspecta-
bili ædificatam. Quid dicam de *Valeriano*, qui Theo-
logicè & Mathematicè, eximius fuit cæli speculator:
alter æui nostri *Archimedes*: æneorum peritissimus
artifex instrumentorum: qui in obeundo Prouin-
cialis munere, dum rebus communibus instaurandis
& firmandis sollicitus est; VILNÆ vita concessit. In-
finitum esset alios percensere, quorum autoritate, e-
loquentia, vitæ sanctimonia, locus hic quasi stellatū
cælum Atlantibus sustineri credebatur. Sed tamen
cū reuocari damnum nequit, releuari dolor potest,

cùm florentissimum hunc cætum quis intuetur, quasi in horto amænissimo, alias senescentes, alias in spẽ succrescentes plantas. Verùm hæc non istius temporis, nec loci sunt, memoriam duntaxat disertissimi prosequor *Bzouij*.

Ad vos Religiosissimi PP. mea spectat Oratio. Vester ille autoritate Pater, affectu filius, caritate Frater, extremum vos salutatur amicè. Pater vester, quos patrio semper prosecutus affectu: quibus etiam hinc abiens, Romæ ad Mineruã, de suo prospectum esse uoluit demenso: ut studiorum causa Romam abeuntes, alimonia essent commodiori. Sed neq; istud est modicum amoris in vos indicium, quòd argento fufas quatuor Apostolorum statuas affabrè factas, quasi obsides animi sui vobis micipati, huic loco sacro exornando misit; idque speciali sanctissimi *Vrbani VIII.* indulto, ne quid esset quod religiosæ sponfioni derogaret. Filius vester, quibus debet, in hoc loco sancto, alterius post Baptismum regenerationis beneficium. Frater vester, quos non solum religioni debitum, sed naturali propè prosecutus caritate, cui res vestræ, & incrementa felicia, incredibilem in modum cordi fuerunt.

Adeste Academici mei, iterum dico, adeste: & cum adestis corporibus, animis etiam adeste, & mecum cõmunem miserescite casum: Frater noster mortuus est, amicus noster mortuus est. Quando enim ille nos benignè non prosecutus? quem nostrum ubi Romam comparuit, non amicè & affabiliter accepit?
quàm

quàm in tempore, & loco sciuit nobis prodesse? quàm
consilio, opera, fide, res nostra, iuuat. Iste mor-
tuus est, cecidit corona Capitis nostri. Verùm ta-
men, si quod morti obnoxium erat, dissolutum est:
potiore sui parte uiuit, & uiuet: iucunda eius in Ec-
clesia DEI meritorum memoria, non his quib⁹ mor-
talis vita, circumscribètur regionibus. Viuet ille, &
quàm diu Musarum florescet gloria; tam diu no-
men eius & fama propagabitur immortalis. Nulla
eum eximet sermonibus eruditorum vetustas. Cùm
Iosias optimus in populo Domini REX fatum suum
obiisset: tam inclytum REGEM, diutissimè populus
desiderauit, & luxit; tamen iucunda factorum eius
recreabatur memoriâ. *Memoria Iosiae in compositione
odoris facta, opus pigmentarij.* Non aliter cùm *Abra-*^{Eccle.}
hamus Bzouius, qui familiam inter Scriptores duce-^{49.}
ret, & quasi Regnum occuparet literarium: cùm in-
quam labore suo perfunctus gloriôsè: fama eius in
compositione odoris facta, quam ipse literis suis, qua-
si opere pigmentario, suauissimè condiuisset. Et què-
admodum loca illa, ubi res odoratae fuerint positae a-
liquando: etiam si transferantur, diutissimè retinent
odorem; ita & Crac. Academia ubi aliquando *Bzo-*
uius profecisset felicissimè: & locus hic sanctissimus
ubi vixit religiosissimè: & Vrbs hæc, ubi ad populum
legem DEI loquebatur ardentissimè, & Roma ubi
scripsit disertissimè: insuper Vniuersus orbis ubi cla-
ruit pulcherrimè, fragrantissimum *Bzouij* conserua-
bunt

Eccle. bunt odorem. In omni ore quasi mel indulcorabitur e-
49. *ius memoria.*

Sed mihi sub extremum Orationis decursum venit in mentem *Fabiani* eloquentissimi, vita nuperrimè functi. Idcirco de utroq; *Bzouio* & *Fabiano*, hoc affirmare possum, quod aliquando de Gregorio Niseno, & Basilio Magno, Nazianzenus, quasi de Moyse & Aaron dilectissimis Domini sanctè censuit. Ambo Ægyptum vexantes, ambo mare procellosum scindentes, Israelem regentes, in oculis populi miracula patrantes. Non aliter genuini fratres isti, ambo mundum quasi Ægyptum vexantes: Ambo Israelem verbo & exemplo regentes: Ambo tumentes mundi & carnis fluctus virga disciplinæ coërcentes. Sed quia *Fabiani* meritis, satis datum est, etiam fraterna pietate, & perpetua recordatione dandum; nos cum orbatum sumus eloquentissimo scriptore *Abrahamo Bzouio*; à nobis abeuntem, Christianitati solennibus prosequamur votis.

Requiem aeternam dona ei Domine, &c.

BIBLIOTH. UNIV.



JAGELLONICAE



Biblioteka Jagiellońska



stdr0006230

